



Ассаламу аьлайкум, дустан

ХХЯХХА БАРГЪ

Лакрал райондалул кказит. Ита бакьлай 96-сса шин.

12+

«ЗАРЯ»

Нюжмар
13 сентябрь
2019 ш.

№ 38

www.zaria-online.ru
gazetazary@mail.ru

Медицина

Кьубиял жяматрансса ссайгъат

Сентябрьданул 10ний Кьубиял жямт ххари бунни чIярусса шиннар-дий мюхтажну бивкIсса медициналул кюру ФАП шяраву тIитIаврил. Му цуппагу бувну бур хьинну исвагину, чIумул тIалавшинну дуручинсса кьядалий, кьашайшалан медициналул кумаг бансса шртIру дузал дурну.

ФАП тIитIин республикалия увкIун ия Шяраваллил хозяйстволул министрнал хьиривчу Шамил Аьлиев. Цанчирча ФАП бувссар РДлул шяраваллил хозяйстволул министерстволул чулуха, шяраваллу хьхичIуннай



даврицIун дархIусса программа биттур дуллай.

ФАП тIитIайни райондалия гьуртту хьунни «Лакрал район» МРданул бакIчинал заместитель Макьсуд Кьадиев, райондалул больницалул хьунама хIакиннал буржру биттур буллалисса Мадина ХIажиева, Кьубиял жямат.

Макьсуд Кьадиевлул Кьубиял жямат ФАП тIитIавришIал барчагу бувну, дурккуна райондалул бакIчи Юсуп МахIаммадовлул цIания чирчусса барча баврил адрес. Бувсуна Юсупгу, райондалул жямату барчаллагьрай бушиву РДлул шяраваллил хозяйстволул министерстволун Ххюлусмавгу, Кьубавгу ФАПру бувнутIий. Уттигу райондалий хьирив шинал бан ккаккан бувну бур 3 ФАП.

Хьуннасса байрамрайн хIадур хьанай

Гьашину Лакрал район сакин дурну 90 шин хьунни. Ва байрам, на-нисса шинал сентябрьданул 21ний, кIицI лагантIий бур райондалий. Мунишчала, яни мура кьини, дантIий бур хьхьичIругу дуллай бивкIсса ризкьичитурал кьинигу.

Хьуннасса байрам ххуйну тIайла дуккансса хIадуршин дуллай байбихьунни райондалул администрация ва сакиншиндарал комитет августрал байбихьулийва.

Му кьини райондалул жяматирттан ххуйсса ссайгъатруну хьунсса цапшара давуртту, строительстводугу бакIун дуклай дур.

Сакин дурну дур байрандалул программа. Шадлугъ тIайла дуккансса умуд бур Лакку билаятрал цIанихсса кIанттай Оьллаарив. КIикку бишунтIий бур гьарца шяраваллал администрациярдал цала-цала жяматру батIинсса кьуш-чятирду.

Оьллаарив бантIий бур спортрал личIи-личIисса тIуркIурду, дучри ххяххан баву ва м.ц.

БайрандалуцIун бавхIуну дантIий бур личIи-личIисса давурттугу. Масала, Гьухьалла кьурнил байбихьулий бантIисса, исвагьисса кьапулул (арка) гьану бизаврил чару бишаву, Гьумук бувсса Жагьилтурал парк тIитIаву, музей тIитIаву ва м.ц.

ХьхьичIумур кьини культурулул кьатраву ккаккан дантIий бур хьуннасса концерт. БучIантIий бур чIявусса хьамал, миллатрал ишккаккулт.

Райондлул администрация, мунил бакIчи Юсуп МахIаммадов оьвтIий ур цинявпагу ватанлувтурайн, рйондалушIал дахIаву думиннайн - ва ххарисса байрандалий гьуртту хьун, Лакку билаятрайн бучIан.



Буттахьал минардая бизан бувми

(Дайдихьу 36, 37 ном.)

Шанма кулпатран ца хIисаврай дуллусса аьравалттил хьирив куртIсса марххалттанивух най бия ботинкарду, ттуплив лавхсса инсантал. бния 12-13 шинавун бияннинса оьрчIру ва душру, бухлай, махьун багьлан бивкIуна, кару, ччанну, лажин дяхьлай дур тIий. Усаву ччанну атил хьуну бия, гивун бухлахисса марххала баслай. Ниттил палас кьувкьуну, гайннуй ттул ччанну бавхIуна никирттайн бияннин кIучI бувну. «Паласру, халичардуньяр, оьрчIру бурручин аьркинссар», - куна цайминнахьу.

Бугьарасса хьаннин, кьужран захIматну бия бачин. ЦIан лакьиннин, хьхьу магьулу рутан, шяравун биян ччай бия. Аьраварттай хьюлчу буллай, мюрщими оьрчIру кIарчIа тIий бия. Муниятгу, цалами далухIиртташIал, оьрчIругу карав буцIан багьуна нитти-буттан. Аьгьу кьадурсса аьраварттал зертI-зертIгу, аьтIисса оьрчIругу, бачин кьахьанахьисса бугьарамигу, буххаврил, ккашил шаврил ххуллийва шанан бикIлакIисса оьрчIругу... га дия буслай, бусин кьашайсса сурат!

Цалчинмур хьхьу руртуссия ххуллий ссавнилу,

марххала бавкьусса кьанив аьравартту куннил кув чIарав дацIан дурну, оьрчIругу карав, никирттай бувгьуну, ялун виргьантру дирчуну, дякьил ва ккашил зурзу тIий.

-Аман гьартал, жула ялун ливксса зулму Аллагьнан кьачIалачIиссарив? Циванни вакссара биччибакьулшиву вай мюрщисса оьрчIай дуллалисса? - хьювсул дурккун, гьалгьатIий дия дугьарасса СалихIат. -Ниттил ккукку кьабитан бувса оьрчIай ци тахсир буссар чIалай Аллагьнан? Цими-лул чув Инава урахха, Зал, миннат буллай дура Вихь, ца янил ляпI уча жул чулу-

хунмай, жугу ккаккан!..

-Дуниятлий цичIар дакь-ассар, Аллагьнан кьакIулсса ва кьачIалачIисса, - куна, га паракьат дан, ттул ниттил. -Дуниятлий хьанахьимургу, жувувамургу - гьарзат КIанан чIалачIиссар. Аллагьнал жува ххалбигьлагьиссару, цуксса ссавур, иман дусса бурив. Жула маркьиял ссавургу, имангу щиялгу ххисса дуссар. АьтIаврил кумаг кьабантIиссар. Жунма умуд кьукьин кьабучIиссар. Бачи ва жула ялун бивсса кьадар ссавурданий бухIаннуча.

Шанма гьантта хьуна жу мукун най. Бивунав Урмав. (Ахир 4 лаж.)

Буттахъал минардая бизан бувми

(Дайдихъу 1 лаж.)

Шанма чира бусса чларкIу ляркъун, магъулун бувхсияв. Муниятугу рязину бияв. Аьрщарайн тушакругу дирчуну, кувнацIун-кув лавну щябикIлан бикIайхту, веб тIисса щарссанил чIу бувккуна. Арамтал къатIув буккан бувну, га щарсса ца мурцIув дурцуссия, хьхьичIух заругу дархIуну. Хьхьудяризаннин ганил веврду къакъабгъуна. Аллагънал цIими ливкхунссия, веврду бухлавгун, бувсса оьрчIал чIу баллан бивкIуна...

Ссавнилу хьхьурдугу дичлай, майва гъантта хьуна жул, бизан бувминнайн зайрдугу тIий, ххуллийх най. УрчIулчинмур къини бивунав акциял чачан яхъанай бивкIсса ца шяравун. Микку гьарца кулпатран яхъанансса къатригу ккаккан бувну, жу биян бан бувкIми, жугу къабивтун, лавгуна, ччарча яхъанахъи, ччарча литIияра

тIисса кунма.

ЛитIуннив лакран ччай бакъая. Акциял чачаннал къатри циняр цакуцсса дия: кIива къаттагу, чIирисса жанахIгу дусса, 1м.80см. лахъсса магъигу дусса. ЧIиртту самандарал бия ягу, щяпрая хах бувну, пяплил бувщусса бия. Магъив бавкку тталлу бивхьуну, гайннуйн щирпи ва сума дирчуну, ялунгу аьрщи дирчуну дурсса дия, цинянный уртту ххяхлахисса. ЧIанкъатта аьрщарал бия. Къатлул лагругу 2,5 х 3м. ягу 3,5 х 4м. дия. Цалчинсса гьарал лачIайхтура, кIукIру дурккун дарчуна. Зунтгавусса жула къатрачIа гайннуйн яхъанансса къатри учинвагу къабучIия.

КIивагу къатлувугу, жанахIравугу оьттул къанкъ дия духIан къашайсса, аьнакIал, ажарттал бакIру дия къуркъусса. Ца къатлуву бугъул аьвсса бурчугу, къуркъусса бакIгу дия ша-

три багъсса. Чачан буккан байхту, совет саллатIтал хьямалашиннарду дуллай бивкIун бия. Шанма гъантта хьуна жул щала кулпат, ми къатравун бухханнин, марцIшиву дуллай, чIиртту хIулухIлай, лази-лакьишиву дуллай.

Цалчинсса гъантрайва чIявусса къашавай хьуна бявкъу-гъили хьуну, майрду эки най, лякъри цIий. Жулсса бансса хIакин акъая. Ккашилшиврул, оьрчIру, ттигу щюллисса, бикъавсса къакан, ккурмуз, гьивч канай, лякъри цIуцIи хьуна. Хьхьуниву бивзун инсантал 12-13 км. Хасавюртрайн занай, тиха оьрчилтту ларсун бучIайва. Гай, къюш дурну, дукайссия. Гъаянсса гъаракъалу дакъа, хьурункъуса дан къашайва. ОьрчIру, лякъри лархъун, хьюму лавсун бикIайва. ХIачансса щин Яман-су (Оькки щин) неххава ласун багъайва. Га-

нивунгу ттуршрахъул шяраваллал цIинцI дичлай, хIажатханттал чапалшивуртту най, ливтIусса ккаччив, ччитри, ттукри бичлай бия.

Ниттил, ца тIаннул къали лавсун бувкIун, га шювшуну, гивун дуртIун, щин ливтIин дитайва, ялату ларсун, щаращи дурну, ссавун дунугу рутIайва.

Маркъиял 32 кулпатрава (128 инсан) кутIасса чIумул мутталий азардал, инжитшивурттал ливтIуна 64. Дяъвилийгу ливтIуна 18. Цинявгу дунияллия лавгуна 82 инсан...

Жул, Маркъиял инсантурал бакIрачIан бувкIмур - дизан дурсса 24гу шяраваллил инсантурал бакIрачIангу бувкIссар. Му хъамабитан къабучIиссар!

М.ХIусманов,
«Геноцид против лакцев, аварцев и даргин в годы войны с 1944 года».

Учредитель:
Администрация
МР «Лакский район».

Главный редактор
М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М.-Р. Абакаров

Адрес редакции, издателя:
368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 702 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

«150 школа» проект бартдигълай

2019-2020 дуккаврил шинал мутталий «150 школа» тIисса программалин бувну жула районданий капитальныйну бакъин буллай буссар кIива школа: Ккурккулл СОШ ва ЧIуртгациял ООШ.

Вай школарду бакъин бан итадаркъуну дур вайксса арцу:

-Ккурккуллал школалун - 2350000 къуруш.

-ЧIуртгациял школалун - 2680000 къуруш.

Республикалул бюджетрава му иширан итадаркъссар 4000000 къуруш.

Райондалул администрациялул бюджетрава - 400000 къуруш.

Кумаг буллалимннал чулухатугу - 900000 къуруш.

Ккурккуллалмур школалий цIана къатрал вив дуллалими давуртту къуртал хъанай дур: поллу даххана даву, буххайсса нузру ва нузардил ва чIавахъулттал хахру баххана баву, кув кIанай чIирттайсса душурду даву.

ЧIуртгациялмур школалий тIурча, магъи даххана дурну, цIусса дирхъун дур, поллу даххана дуллалисса давуртту дуллай бур, нузру дихълай бур (суратрай му даву чIалай дур).

Къаст дур циняр давуртту къуртал дан вай гъантрай.

ЦIубуклакисса школартгая ххарину бур учительтал, дуклаки оьрчIру, нитти-буттахъул.

Директортурал совещание

Сентябрьданул 9ний образованиелул управлениелий хьунни райондалул школардай каялушиву дуллалиминащалсса совещание.

Муний ххалбивгъунни кунсса масъалартту:

1. Класс-комплектру щаллу баврия.

2. 2019-2020ку дуккаврил шинал даврил планная.



ГъалатI бакъин баву

Кказитрал хьхьичIмур, 37мур номерданий «Тарихран хасъсса тIиртIу дарс» тIисса макъалалий Аьрасатнал Виричувтал хьуминнал цIарду къатIайлану рирщун дур. Ми дуккин аьркинссар «...Халид Мурачуевул ва Мутай Исаевул...» тIий.